

Atuisartunut pisisartunullu siunnersuisoqatigiit, tuniniaasarneq, nalunaaqutsersuisarneq, akit aamma atuisartunut pisisartunullu maalaaruteqartarfittut ataatsimiititaliat pillugit Inatsisartut inatsisaata allangortinneqarneranik Inatsisartut inatsisaat (Atuisartunut Siunnersuisoqatigiit nunaqarfiit aqutsisuinik suleqateqarnerat akikillisaatillu pillugit malittarisassat)

§ 1.

Atuisartunut pisisartunullu Siunnersuisoqatigiit, tuniniaasarneq, nalunaaqutsersuisarneq, akit aamma atuisartunut pisisartunullu maalaaruteqartarfittut ataatsimiititaliat pillugit Inatsisartut inatsisaanni nr. 10, 13. november 1986-imeersumi, Inatsisartut inatsisaatigut nr. 29, 30. oktober 1992-imeersukkut, Inatsisartut inatsisaatigut nr. 14, 31. oktober 1996-imeersukkut allangortinneqartumi, makku allanguutigittinneqassapput:

1. § 7-mi imm. 1-ip kingorna immikkoortut nutaatut ilanngunneqassaaq:

"Imm. 2. Atuisartut Sinniisaasa suliassat imm. 1-imi taaneqartut nunaqarfinni aqutsisut suleqatigalugit nunaqarfinni naamassissavaat."

Matuma kingorna imm. 2-4 imm 3-5-inngorput.

2. § 7, imm. 2, imm. 3-nngortussaq, ima oqaasertalerneqassaaq:

"Imm. 3. Suliassani inatsimmi maani pineqartuni paasissutissarnik pissarsiniarnissaannut Atuisartunut Siunnersuisoqatigiit atuisartut sinniisaat peqqusinnaavaat nunaqarfinnilu aqutsisut qinnuigisinnaallugit."

3. § 7, imm. 3, imm. 4-nngortussaq, iam oqaasertalerneqassaaq:

"Imm. 4. Atuisartut Sinniisaat suliassanik Atuisartunut Siunnersuisoqatigiinnut suliassanngortitsinnaapput. Nunaqarfinni aqutsisut atuisartut sinniisaat aqutigalugit Atuisartunut Siunnersuisoqatigiinnut suliassiissutinik nassiussinnaapput."

4. § 10-p kingornanut ilanngunneqassaaq:

"§ 10a. Meqqit, qiortakkat taamaaqataalluunniit inuussutissarsiummik ingerlatsisup atugassanngortitai atorlugit nioqqutissap pisiarineqannginnerani imaluunniit suliap kiffartuussinerulluunniit sularinerani akikillisaasoqassanngilaq imaluunniit allatut iluaqusiisoqassanani.

Imm. 2. Taamaattoq inuussutissarsiummik ingerlatsisut nioqqutissap tuninerani imaluunniit suliap kiffartuussinerulluunniit sularinerani akikillisaasinnaapput imaluunniit allatut iluaqusiisinnaallutik meqqit imaluunniit qiortakkat taamaaqataalluunniit kingusinnerusukkut tunniuteqqinneqarsinnaasut atorlugit,

meqqit ataasiakkaat nalingat danskit aningaasanngorlugi taallugu tunniussisullu aqqa suliffiutaaluunniit paatsuugassaangitsumik takussaasunngortinneqarsimappat. Akikillisaammik tunniussisup meqqit katersukkat aningaasanngorlugit 5 kr.-nik taakkuluunniit qaangerlugit naleqarpata tunniunneqarnissaallu piumasarineqarpat meqqit nalingat taasaq Kalaallit Nunaanni tunniutissavaa.

Imm. 3. Imm. 1 aamma 2 timmisartuussisarnermi bonusisitsisarnermut taamaaqataanulluunniit atatillugu atuutinngillat."

5. § 36, imm. 1 ima oqaasertalerneqassaaq:

"§ 10-mi, § 10a, imm. 1 aamma 2-mi aalajangersakkanik unioqqutitsineq, § 13-imik piaaraluni unioqqutitsineq aammalu § 14-imik, § 16-imik, § 17, imm. 1 aamma 3-mik, § 18-imik aamma § 20-mik unioqqutitsinerit akiliisussanngortitsissutaasinnaapput inatsit alla malillugu annertunerusumik pineqaatissiisuteqarfigineqarnissaat pissutissaqanngippat."

§ 2.

Inatsisartut inatsisaat ulloq 1. december 2001 atortuulerpoq.

§ 3.

§ 10a-mi aalajangersagaq apeqqutaatinnagu inatsisip atortuulinnginnerani akikillisaanermik aaqqissuussinerit taamaaqataallu atorunnaarnissamik tungaanut, taamaattoq sivilisunerpaamik 2002-mi junip qaammataata naanissaata tungaanut, atuussinnaapput.

Namminersornerullutik Oqartussat, ulloq 12. november 2001.

Jonathan Motzfeldt

/

Søren Hald Møller

Namminersorlutik Oqartussat

Imaneq 4

3900 Nuuk

E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit

Namminersorlutik Oqartussat inatsisinut toqqorsiviat
Naalakkersuisut